

জাতীয় বিশ্ববিদ্যালয়

জাতীয় বিশ্ববিদ্যালয় আইন, ১৯৯২-এর ৪৬ নং ধারা মোতাবেক প্রণীত

ব্যাচেলর (অনার্স) ডিগ্রির রেগুলেশন-২০১০

Bachelor of Honours Degree Regulation-2010

গ্রেডিং ও ক্রেডিট পদ্ধতি অনুযায়ী

(২০০৯-২০১০ শিক্ষাবর্ষ থেকে কার্যকর)

১. প্রোগ্রামের মেয়াদ :

- (ক) জাতীয় বিশ্ববিদ্যালয়ের অধীনে ব্যাচেলর (অনার্স) ডিগ্রি প্রোগ্রামে প্রতিটি বিষয় ৪ বছর মেয়াদি সমন্বিত কোর্স (Integrated Course) হিসেবে বিবেচিত হবে।
- (খ) কোর্সসমূহকে চারটি একাডেমিক বর্ষে বিভক্ত করে পাঠদান সম্পন্ন করা হবে, যেমন : ১ম বর্ষ, ২ বর্ষ, ৩য় বর্ষ ও ৪র্থ বর্ষ।
- (গ) এই প্রোগ্রামের শিক্ষাবর্ষ হবে জুলাই-জুন। সংশ্লিষ্ট বিষয়ের সিলেবাস অনুযায়ী প্রতি শিক্ষা বর্ষে ক্লাশ শুরু পর থেকে মোট ৩০ সপ্তাহ পাঠদান, ৪ সপ্তাহ পরীক্ষার প্রস্তুতি, ৬ সপ্তাহ বার্ষিক পরীক্ষা কার্যক্রম চলবে। অবশিষ্ট সময়ের মধ্যে পরীক্ষার ফলাফল প্রকাশ করা হবে। প্রতি বর্ষের পরীক্ষা শেষ হওয়ার ২ সপ্তাহ পর পরবর্তী বর্ষের ক্লাশ শুরু হবে এবং এ জন্য ছাত্র-ছাত্রীদেরকে কলেজে নতুন বর্ষের জন্য প্রবেশনাল ছাত্র হিসেবে তালিকাভুক্ত হতে হবে।
- (ঘ) বার্ষিক পরীক্ষা এবং গ্রেডিং ও ক্রেডিট পদ্ধতিতে এই প্রোগ্রাম পরিচালিত হবে। গ্রেডিং ও ক্রেডিট পদ্ধতিতে জিপিএ (GPA) ও সিজিপিএ (CGPA) হিসেবে পরীক্ষার ফলাফল প্রকাশ করা হবে।

২. ডিগ্রী (অনার্স) প্রোগ্রাম ও বিষয়সমূহ :

চারটি শাখায় ব্যাচেলর অনার্স প্রোগ্রাম যথাক্রমে ব্যাচেলর অব আর্টস (বিএ) অনার্স, ব্যাচেলর অব সোশাল সায়েন্স (বিএসএস) অনার্স, ব্যাচেলর অব বিজনেস এডমিনিস্ট্রেশন (বিবিএ) অনার্স এবং ব্যাচেলর অব সায়েন্স (বিএসসি) অনার্স ডিগ্রী প্রদান করা হবে। বিভিন্ন ব্যাচেলর (অনার্স) প্রোগ্রামের অন্তর্ভুক্ত বিষয়সমূহ নিম্নরূপঃ

(ক) বিএ (অনার্স): (Bachelor of Arts):

- | | |
|------------------------------|------------------|
| ১) বাংলা | ৫) দর্শন |
| ২) ইংরেজী | ৬) ইসলামী শিক্ষা |
| ৩) ইতিহাস | ৭) আরবী |
| ৪) ইসলামের ইতিহাস ও সংস্কৃতি | |

(খ) বিএসএস (অনার্স): (Bachelor of Social Science):

- | | |
|-------------------|-------------------|
| ১) রাষ্ট্রবিজ্ঞান | ৪) অর্থনীতি |
| ২) সমাজবিজ্ঞান | ৫) নৃ-বিজ্ঞান |
| ৩) সমাজকর্ম | ৬) ভূগোল ও পরিবেশ |

(গ) বিবিএ (অনার্স): (Bachelor of Business Administration):

- | | |
|-----------------|----------------------------|
| ১) ব্যবস্থাপনা | ৩) মার্কেটিং |
| ২) হিসাববিজ্ঞান | ৪) ফিন্যান্স এণ্ড ব্যাংকিং |

(ঘ) বিএসসি (অনার্স): (Bachelor of Science):

- | | | |
|------------------|---------------------|-------------------------|
| ১) গণিত | ৫) প্রাণিবিজ্ঞান | ৯) প্রাণ রসায়ন |
| ২) পদার্থবিজ্ঞান | ৬) উদ্ভিদবিজ্ঞান | ১০) মনোবিজ্ঞান |
| ৩) রসায়ন | ৭) ভূগোল ও পরিবেশ | ১১) পরিবেশ বিজ্ঞান |
| ৪) পরিসংখ্যান | ৮) মৃত্তিকা বিজ্ঞান | ১২) গার্হস্থ্য অর্থনীতি |

৩. ভর্তির যোগ্যতাঃ

(ক) বাংলাদেশের কোন শিক্ষা বোর্ডের উচ্চ মাধ্যমিক/আলিম বা দেশ বিদেশের সমমানের পরীক্ষায় পাশ করা শিক্ষার্থীরা বিশ্ববিদ্যালয় কর্তৃক নির্ধারিত নিয়ম-কানুন ও শর্ত অনুযায়ী ব্যাচেলর (অনার্স) প্রোগ্রামে পূর্ণকালীন ছাত্র/ছাত্রী হিসেবে জাতীয় বিশ্ববিদ্যালয়ের অধিভুক্ত কলেজে ভর্তি হতে পারবে।

(খ) বিশ্ববিদ্যালয়ের ভর্তির শর্তাবলি পূরণ করলে এবং সংশ্লিষ্ট বিষয়/ইউনিটের ভর্তি পরীক্ষায় কৃতকার্য হলে শিক্ষার্থীরা জাতীয় বিশ্ববিদ্যালয়ের অধিভুক্ত কলেজে মেধা স্কোরের ভিত্তিতে ভর্তি হতে পারবে।

৪. রেজিস্ট্রেশন :

(ক) পূর্ণকালীন ছাত্র/ছাত্রী হিসেবে বিশ্ববিদ্যালয়ের নিয়মানুযায়ী একজন শিক্ষার্থী কেবলমাত্র একটি বিষয়ে ভর্তি হতে পারবে।
(খ) একজন শিক্ষার্থীকে সর্বোচ্চ ৬ (ছয়) শিক্ষাবর্ষের মধ্যে ব্যাচেলর অব অনার্স কোর্স সম্পন্ন করে ডিগ্রী অর্জন করতে হবে।

৫. বিষয় পরিবর্তন :

ভর্তি হওয়ার পর বিষয় পরিবর্তনে ইচ্ছুক শিক্ষার্থী জাতীয় বিশ্ববিদ্যালয় কর্তৃক নির্ধারিত সময়সীমার মধ্যে ব্যাচেলর (অনার্স) ডিগ্রির বিষয় পরিবর্তন করতে পারবে। এ জন্য তাকে ভর্তিকৃত বিষয়ের বিভাগীয় প্রধান ও পরিবর্তনে ইচ্ছুক বিষয়ের বিভাগীয় প্রধানদের সুপারিশসহ অধ্যক্ষের মাধ্যমে জাতীয় বিশ্ববিদ্যালয়ের রেজিস্ট্রার বরাবর নির্ধারিত ফরমে আবেদন করতে হবে। বিষয় পরিবর্তনের জন্য নির্ধারিত ফি কলেজ কর্তৃক বিশ্ববিদ্যালয়ে জমা দিয়ে অনুমতি নিতে হবে।

৬. পুনঃ ভর্তিঃ

একজন শিক্ষার্থীর সকল তত্ত্বীয়/ব্যবহারিক/ইন-কোর্স/ মাঠকর্ম কোর্স ও মৌখিক পরীক্ষায় অংশগ্রহণ বাধ্যতামূলক। পরীক্ষায় অংশগ্রহণে ব্যর্থ শিক্ষার্থী এবং ফলাফলে অকৃতকার্য পরীক্ষার্থী ফলাফল প্রকাশের ১ (এক) মাসের মধ্যে পুনঃ ভর্তি হতে পারবে। উভয় ক্ষেত্রেই তারা অনিয়মিত শিক্ষার্থী হিসেবে গণ্য হবে। একজন শিক্ষার্থী একই বর্ষে একবারের বেশী এবং পুরো কোর্সের মেয়াদে দুবারের বেশী পুনঃ ভর্তির সুযোগ পাবে না। পুনঃ ভর্তির ক্ষেত্রে তার পূর্বের রেজিস্ট্রেশন নম্বর বহাল থাকবে।

৭. কোর্সেস ও ক্রেডিট-ঘন্টা (Courses & Credit-hour) :

ক্রেডিট আওয়ারের ভিত্তিতে কোর্সসমূহ পরিচালিত হবে। প্রতি সপ্তাহে পাঠদানের জন্য ব্যয়িত ক্লাস ঘন্টাকে ক্রেডিট হিসেবে গণ্য করা হবে। তত্ত্বীয় কোর্স সমূহের জন্য ৪৫ মিনিটের একটি ক্লাসকে এক ক্লাস ঘন্টা ধরা হবে। এবং ১৫ (পনের) ক্লাস ঘন্টাকে ১ (এক) ক্রেডিট হিসেবে গণনা করা হবে।

তত্ত্বীয় ও ব্যবহারিক কোর্সের জন্য নিম্নে বর্ণিত ক্লাস ঘন্টা অনুসরণ করা হবে।

ক) তত্ত্বীয় কোর্স (Theoretical Course):

১০০ নম্বর কোর্সের ৬০ ক্লাস-ঘন্টা (Class Hour) = ৪ ক্রেডিট।

৫০ নম্বর কোর্সের ৩০ ক্লাস-ঘন্টা (Class Hour) = ২ ক্রেডিট।

খ) ব্যবহারিক/মাঠকর্ম কোর্সঃ

ব্যবহারিক/মাঠকর্ম কোর্সের জন্য নিম্নোক্ত ক্লাস ঘন্টা অনুসরণ করা হবে।

১০০ নম্বরের ৩০ টি ব্যবহারিক ক্লাশের জন্য (৩০ × ৩) = ৯০ ক্লাস-ঘন্টা = ৪ ক্রেডিট।

৫০ নম্বরের ১৫ টি ব্যবহারিক ক্লাশের জন্য (১৫ × ৩) = ৪৫ ক্লাস-ঘন্টা = ২ ক্রেডিট।

প্রতিটি কোর্সের জন্য সপ্তাহে ৩ ক্লাস ঘন্টার (৪৫ × ৩) বা ১৩৫ মিনিটের ২টি ব্যবহারিক ক্লাস অনুষ্ঠিত হবে।

গ) মৌখিক পরীক্ষাঃ

৫০ নম্বরের মৌখিক পরীক্ষা = ২ ক্রেডিট

৮. প্রোগ্রাম ভিত্তিক ক্রেডিট ও নম্বর বন্টন :

- (ক) i) বিএ (অনার্স), বিএসএস (অনার্স), মোট ৩০০০ নম্বর বা ১২০ ক্রেডিট ।
ii) বিবিএ (অনার্স) মোট ৩১০০ নম্বর বা ১২৪ ক্রেডিট ।
iii) বিএসসি (অনার্স) মোট ৩২০০ নম্বর বা ১২৮ ক্রেডিট ।

(খ) **Bachelor of Arts (Honours) or B.A. (Honours) & Bachelor of Social Science (Honours) or B.S.S. (Honours) Degree:**

বর্ষ	সম্মান কোর্স নম্বর	অনুসঙ্গী কোর্স নম্বর (Allied)	ইংরেজী বাধ্যতামূলক নন-ক্রেডিট	মৌখিক	মোট নম্বর	মোট ক্রেডিট
১ম	৪০০	২০০		--	৬০০	২৪
২য়	৩০০	২০০	১০০	১০০	৬০০	২৪
৩য়	৮০০	--		--	৮০০	৩২
৪র্থ	৯০০	--		১০০	১০০০	৪০
মোট	২৪০০	৪০০		২০০	৩০০০	১২০

গ) **Bachelor of Business Administration (Honours) or B.B.A. (Honours) Degree:**

বর্ষ	সমন্বিত সম্মান কোর্স নম্বর	মৌখিক	মোট নম্বর	মোট ক্রেডিট
১ম	৬০০	--	৬০০	২৪
২য়	৬০০	১০০	৭০০	২৮
৩য়	৮০০	--	৮০০	৩২
৪র্থ	৯০০	১০০	১০০০	৪০
মোট	২৯০০	২০০	৩১০০	১২৪

ঘ) **Bachelor of Science (Honours) or B.Sc (Honours) Degree:**

বর্ষ	সম্মান কোর্স নম্বর (তত্ত্বীয় +ব্যবহারিক)	অনুসঙ্গী কোর্স নম্বর (তত্ত্বীয় +ব্যবহারিক)	ইংরেজী বাধ্যতামূলক নন-ক্রেডিট	মৌখিক	মোট নম্বর	মোট ক্রেডিট
১ম	৪০০	১৫০+১৫০ = ৩০০	-	-	৭০০	২৮
২য়	৩০০	১৫০+১৫০ = ৩০০	১০০	১০০	৭০০	২৮
৩য়	৮০০	-	-	-	৮০০	৩২
৪র্থ	৯০০	-	-	১০০	১০০০	৪০
মোট	২৪০০	৬০০	১০০	২০০	৩২০০	১২৮

(খ) **অনুষঙ্গী কোর্স :** অনার্স বিষয়ের সাথে অনুষঙ্গী কোর্স (Allied Course) হিসেবে ২ বা তার অধিক কোর্স নির্বাচন করতে হবে ।

(গ) **আবশ্যিক ইংরেজী নন-ক্রেডিট কোর্স :**

ইংরেজী অনার্স ও বিবিএ অনার্সের ছাত্র-ছাত্রী ব্যতীত ব্যাচেলর অব অনার্স ডিগ্রী প্রোগ্রামের সকল বিষয়ের শিক্ষার্থীদের জন্য ১০০ নম্বরের নন-ক্রেডিট ইংরেজি বিষয় বাধ্যতামূলক থাকবে এবং ইংরেজী বিষয়ে অবশ্যই পাস করতে হবে অন্যথায় অনার্স ডিগ্রী প্রাপ্ত হবেনা । ২য় বর্ষে পঠিত উক্ত বিষয়ের পরীক্ষা ২য় বর্ষ অনার্স পরীক্ষার সাথে অনুষ্ঠিত হবে ।

(ঘ) বিবিএ (অনার্স) এর সকল বিষয়ের ছাত্র-ছাত্রীদের জন্য নন ক্রেডিট ১০০ নম্বরের ইংরেজী কোর্সের পরিবর্তে ২য় বর্ষে ১০০ নম্বরের “Business Communication & Report Writing (In English)” শিরোনামে ৪ ক্রেডিটের একটি কোর্স থাকবে ।

৯. পরীক্ষার সময়কালঃ

পরীক্ষার সময় হবে নিম্নরূপঃ

তত্ত্বীয় কোর্স : ১০০ নম্বরের ৪ ক্রেডিট কোর্সের জন্য ৪ ঘন্টা ।
৫০ নম্বরের ২ ক্রেডিট কোর্সের জন্য ২.৫ ঘন্টা ।

ব্যবহারিক কোর্সঃ ১০০ নম্বরের ৪ ক্রেডিট কোর্সের জন্য ৬-১০ ঘন্টা (সংশ্লিষ্ট সিলেবাসে নির্ধারণ করা থাকবে) ।
৫০ নম্বরের ২ ক্রেডিট কোর্সের জন্য ৩-৬ ঘন্টা (সংশ্লিষ্ট সিলেবাসে নির্ধারণ করা থাকবে) ।

১০. উত্তরপত্র মূল্যায়ন পদ্ধতি :

- ইংরেজী ব্যতীত প্রতিটি তত্ত্বীয় কোর্সের উত্তরপত্র ১ম ও ২য় পরীক্ষক দ্বারা মূল্যায়ন হবে । ১ম ও ২য় পরীক্ষকের প্রদত্ত গড় নম্বর চূড়ান্ত নম্বর হিসেবে গণ্য হবে ।
- আভ্যন্তরীণ ও বহিরাগত পরীক্ষক দ্বারা ব্যবহারিক ও মৌখিক পরীক্ষা পরিচালিত হবে । পরীক্ষকগণ পরীক্ষা চলাকালীন সময়ে ছাত্র-ছাত্রীদের পরীক্ষণ মূল্যায়ন সম্পন্ন করবেন । ব্যবহারিক পরীক্ষার আভ্যন্তরীণ মূল্যায়নকৃত নম্বর ও পরীক্ষায় প্রাপ্ত নম্বর যোগ করে মোট প্রাপ্ত নম্বর ব্যবহারিক পরীক্ষা সম্পন্ন হবার অব্যবহিত পরে তার ফলাফল জাতীয় বিশ্ববিদ্যালয়ে প্রেরণ করতে হবে ।

১১. পাঠদান ও পরীক্ষার মাধ্যমঃ

পাঠদানের মাধ্যম হবে বাংলা অথবা ইংরেজী । পরীক্ষার উত্তরপত্রে বাংলা অথবা ইংরেজী ভাষার যে কোন একটি মাধ্যমে লিখতে হবে । উদ্ধৃতি ও টেকনিক্যাল শব্দ ব্যতীত একই কোর্সের উত্তরপত্রে বাংলা ইংরেজীর মিশ্রণ গ্রহণযোগ্য নয় । তবে ভাষা সাহিত্যের বিষয় সমূহের ক্ষেত্রে পাঠদান ও পরীক্ষার মাধ্যম সংশ্লিষ্ট ভাষায় হবে ।

১২. পরীক্ষায় অংশগ্রহণের যোগ্যতাঃ

(ক) ব্যাচেলর (অনার্স) পরীক্ষায় অংশগ্রহণের যোগ্যতা হিসাবে মোট লেকচার/ব্যবহারিক ক্লাশের ৭৫% উপস্থিতি থাকতে হবে । বিশেষ ক্ষেত্রে অধ্যক্ষ বিভাগীয় প্রধানের সুপারিশের ভিত্তিতে উপস্থিতি ৭৫%-এর কম এবং ৬০% বা তার বেশি থাকলে তা বিবেচনার জন্য সুপারিশ করতে পারবেন । ৭৫% এর কম উপস্থিতির জন্য পরীক্ষার্থীকে পরীক্ষার ফরম পূরণের সময় ৫০০ (পাঁচশত) টাকা নন-কলেজিয়েট ফি অবশ্যই জমা দিতে হবে ।

(খ) পরীক্ষার জন্য প্রেরিত পরীক্ষার্থীদের আবেদনপত্রে অধ্যক্ষ/বিভাগীয় প্রধান প্রত্যয়ণ করবেন যে-

- পরীক্ষার্থীর আচরণ সন্তোষজনক ;
- লেকচার ক্লাসে, ব্যবহারিক ক্লাসে, ইন-কোর্স ও মাঠ পর্যায়ে তার উপস্থিতি সন্তোষজনক ;

- (iii) পরীক্ষার্থী কলেজের সকল অভ্যন্তরীণ পরীক্ষায় উত্তীর্ণ হয়েছে এবং বিশ্ববিদ্যালয় কর্তৃক আরোপিত সকল শর্ত পূরণ করেছে।

১৩. গ্রেডিং সিস্টেম (Grading System):

উত্তরপত্র নম্বরের ভিত্তিতে মূল্যায়ন করা হবে। একজন পরীক্ষার্থীর তত্ত্বীয়, ব্যবহারিক ও মৌখিক পরীক্ষায় প্রাপ্ত নম্বরকে লেটার গ্রেড (Letter Grade) ও গ্রেড পয়েন্ট (Grade Point) রূপান্তর করা হবে। পরীক্ষার্থীর ফলাফল মূল্যায়নের জন্য নিম্নলিখিত লেটার গ্রেড ও corresponding গ্রেড পয়েন্ট থাকবে। বিশ্ববিদ্যালয় মঞ্জুরী কমিশন কর্তৃক প্রদত্ত অভিন্ন গ্রেডিং পদ্ধতি অনুযায়ী গাণিতিক (numerical) নম্বর, লেটার গ্রেড ও গ্রেড পয়েন্ট হবে নিম্নরূপঃ

Numerical Grade	Letter Grade (LG)	Grade Point (GP)
80% or above	A+ (Plus)	4.00
75% to less than 80%	A (Plain)	3.75
70% to less than 75%	A- (Minus)	3.50
65% to less than 70%	B+ (Plus)	3.25
60% to less than 65%	B (Plain)	3.00
55% to less than 60%	B- (Minus)	2.75
50% to less than 55%	C+ (Plus)	2.50
45% to less than 50%	C (Plain)	2.25
40% to less than 45%	D (Plain)	2.00
<40%(less than 40%)	F (Fail)	0.00

পাশ নম্বর

কোর্সের নম্বর	১০০ (৪ ক্রেডিট)	৫০ (২ ক্রেডিট)
পাস নম্বর	৪০	২০
গণনাযোগ্য ক্রেডিট	D	D

১৪. উত্তীর্ণ গ্রেডঃ

ছাত্র-ছাত্রীদের সকল নির্ধারিত কোর্সে (তত্ত্বীয় ও ব্যবহারিক) এবং মৌখিক পরীক্ষায় অংশগ্রহণ বাধ্যতামূলক। ছাত্র-ছাত্রীদেরকে সকল নির্ধারিত কোর্সে ও মৌখিক পরীক্ষায় ৪০% বা D গ্রেড বা গ্রেড পয়েন্ট ২ পেয়ে পাশ করতে হবে। যে সকল কোর্সে D বা তদূর্ধ্ব গ্রেড অর্জিত হবে শুধুমাত্র সে কোর্সগুলোর ক্রেডিট ফলাফলের গণনায় আনা হবে। Non-Credit ইংরেজী বিষয়ের প্রাপ্ত গ্রেড GPA গণনায় নেয়া হবে না।

১৫. জিপিএ (GPA) এবং সিজিপিএ (CGPA) নির্ণয়ঃ

নির্দিষ্ট কোর্সে প্রাপ্ত গ্রেড পয়েন্টকে উক্ত কোর্সের ক্রেডিট দ্বারা পূরণ করে এ কোর্সে অর্জিত পয়েন্ট (PS) নির্ধারণ করা হবে। উক্ত বছরে সকল কোর্সে অর্জিত মোট পয়েন্টকে মোট ক্রেডিট দ্বারা ভাগ করে এক বছরের জিপিএ (GPA) নিরূপন করা হবে। এভাবে সকল বছরে অর্জিত মোট পয়েন্ট সমূহকে যোগ করে সর্বমোট ক্রেডিট দ্বারা ভাগ করে সিজিপিএ (CGPA) নির্ধারণ করা হবে। D এর নীচে প্রাপ্ত গ্রেডের জন্য কোন ক্রেডিট অর্জিত হবে না এবং তা F (Fail) গ্রেড বলে বিবেচিত হবে। কোন কোর্সের পরীক্ষায় অনুপস্থিত থাকলে তা F বলে বিবেচিত হবে।

জিপিএ গণনার পদ্ধতি :

$$\text{GPA} = \frac{\sum \text{PS (Total Point Secured in a year)}}{\sum \text{CR (Total Credits offered in a year)}} = \frac{64.00}{26} = 2.46$$

Example: Grade Point Average (GPA) Calculation for a year:

Course Code No	No. of credits	Marks Obtained (%)	Letter grade (LG)	Grade points (GP)	Points Secured (PS)= No of Credits X Grade Point	Grade Point Average (GPA)
2011	4	70	A-	3.50	14.00	64.00/26 = 2.46
2012	4	65	B+	3.25	13.00	
2013	4	60	B	3.00	12.00	
2014	4	34	F	0.00	00.00	
2015	4	55	B-	2.75	11.00	
2016	2	50	C+	2.50	05.00	
2017	4	45	C	2.25	09.00	
Total	26	-	-	-	64.00	

Examples: Cumulative Grade Point Average (CGPA) Calculation for a Degree

Year	Total Points Secured (TPS)	Total No. of Credits	CGPA
First	64.00	26	293/120 = 2.44
Second	72.00	26	
Third	70.00	30	
Fourth	75.00	30	
Viva-voce	12.00	04	
Total	293.00	120	

সিজিপিএ গণনার পদ্ধতি :

$$\text{CGPA} = \frac{\text{TPS of (1}^{\text{st}} \text{ year+ 2}^{\text{nd}} \text{ year + 3}^{\text{rd}} \text{ year + 4}^{\text{th}} \text{ year)} + \text{PS of 4 years Viva Voce}}{\text{Total number of credits completed in the whole programme}} = \frac{293}{120} = 2.44$$

১৫. উচ্চতর শ্রেণীতে প্রমোশন (১ম বর্ষ হতে ৪র্থ বর্ষ):

(ক) সকল পরীক্ষায় অংশ গ্রহণ করে পরবর্তী শ্রেণীতে প্রমোশন পেতে হলে একজন পরীক্ষার্থীকে ইন-কোর্স/মৌখিক/ব্যবহারিক/মাঠকর্ম/মনোগ্রাফ পরীক্ষা সহ নিম্নোক্ত জিপিএ অর্জন করতে হবে:

- ১ম বর্ষ থেকে ২য় বর্ষে প্রমোশন পেতে হলে কমপক্ষে জিপিএ ১.৭৫ অর্জন করতে হবে
- ২য় বর্ষ থেকে ৩য় বর্ষে প্রমোশন পেতে হলে কমপক্ষে জিপিএ ২.০০ অর্জন করতে হবে
- ৩য় বর্ষ থেকে ৪র্থ বর্ষে প্রমোশন পেতে হলে কমপক্ষে জিপিএ ২.২৫ অর্জন করতে হবে।

১৭. গ্রেড উন্নীত করণ :

- (ক) একজন শিক্ষার্থী ১ম/২য়/৩য়/৪র্থ বর্ষের জিপিএ উন্নীতকরণের জন্য শুধুমাত্র C গ্রেড বা ২.২৫ এর কম প্রাপ্ত কোর্সে ঠিক পরবর্তী ব্যাচের পরীক্ষার সময় চলতি সিলেবাস অনুযায়ী পরীক্ষায় অংশগ্রহণ করার সুযোগ পাবে। তবে কোন পরীক্ষার্থী একটি কোর্সে একবারের বেশী গ্রেড উন্নীতকরণের সুযোগ পাবে না। কোন শিক্ষার্থী যদি গ্রেড উন্নীত করতে ব্যর্থ হয় তাহলে ঐ কোর্সে তার পূর্বের গ্রেড বহাল থাকবে। মানোন্নয়নের ক্ষেত্রে ১ম অথবা ২য় বারের পরীক্ষার মধ্যে যে গ্রেড উচ্চতর হবে তা যোগ করা হবে এবং তার ভিত্তিতেই ফলাফল নির্ধারণ করা হবে।
- (খ) ইন-কোর্স ও মৌখিক Practical পরীক্ষায় মান উন্নয়নের কোন সুযোগ থাকবে না।
- (গ) বিভাগীয় প্রধান অধ্যক্ষের মাধ্যমে মান উন্নয়ন পরীক্ষায় অংশ গ্রহণেচ্ছুক শিক্ষার্থীদের তালিকা ফরম পূরণের শেষ তারিখের পর পরই জাতীয় বিশ্ববিদ্যালয়ের পরীক্ষা নিয়ন্ত্রকের কাছে প্রেরণ করবে।
- (ঘ) F গ্রেড প্রাপ্ত কোর্সে একজন শিক্ষার্থী সর্বোচ্চ ২ বার রেজিস্ট্রেশনের মেয়াদ থাকা সাপেক্ষে মান উন্নয়নের সুযোগ পাবে।
- (ঙ) F প্রাপ্ত কোর্সের গ্রেডকে অবশ্যই কমপক্ষে D গ্রেডে উন্নীত করতে হবে। অন্যথায় ডিগ্রী প্রাপ্য হবে না।

১৮. মৌখিক পরীক্ষাঃ

- (ক) প্রত্যেক প্রোগ্রামের ২য় বর্ষ এবং ৪র্থ বর্ষ শেষে ১০০ নম্বর করে মোট ২০০ নম্বরের মৌখিক পরীক্ষা অনুষ্ঠিত হবে যা মোট $8 \times 2 = ৮$ ক্রেডিট হিসেবে গণ্য হবে। প্রত্যেক ছাত্র-ছাত্রীকে ২টি পৃথক মৌখিক পরীক্ষায় অবশ্যই অংশগ্রহণ করতে হবে। ২টি মৌখিক পরীক্ষার মোট নম্বর যোগ করে তার ভিত্তিতে LG, GP ও PS নির্ণয় করে একজন পরীক্ষার্থীর CGPA নির্ণয় করা হবে। আভ্যন্তরীণ ও বহিঃপরীক্ষক মৌখিক পরীক্ষা গ্রহণ করবে। বহিঃপরীক্ষক ছাড়া কোন মৌখিক পরীক্ষা গ্রহণ যোগ্য হবে না।
- (খ) একজন ছাত্র যদি মৌখিক পরীক্ষায় অংশ গ্রহণে ব্যর্থ হয় তাহলে পরীক্ষা কমিটি/পরীক্ষা নিয়ন্ত্রক উপাচার্যের অনুমোদন সাপেক্ষে বিশেষ ক্ষেত্রে (লিখিত প্রমাণাদি) সংশ্লিষ্ট পরীক্ষার ফলাফল প্রকাশের পূর্বে নির্ধারিত অতিরিক্ত ফি প্রদান করে বিশেষ বিবেচনায় মৌখিক পরীক্ষায় অংশ গ্রহণের সুযোগ পাবে। সে ক্ষেত্রে পরীক্ষার্থীকে মৌখিক পরীক্ষা অনুষ্ঠানের যাবতীয় খরচ বিশ্ববিদ্যালয় কর্তৃপক্ষের নির্ধারিত হারে বহন করতে হবে।
- (গ) মৌখিক পরীক্ষায় উত্তীর্ণ হতে ব্যর্থ হলে একজন শিক্ষার্থী শুধুমাত্র একবার পরবর্তী শিক্ষাবর্ষের পরীক্ষার্থীদের সাথে ১০০ নম্বরের মৌখিক পরীক্ষায় অংশগ্রহণের সুযোগ পাবে।
- (ঘ) পরীক্ষা নিয়ন্ত্রক, সংশ্লিষ্ট ডীন ও প্রো-ভাইস-চ্যান্সেলর (একাডেমিক) এর সুপারিশসহ ভাইস-চ্যান্সেলর এর অনুমোদনক্রমে পরীক্ষার তারিখ ও পরীক্ষকগণের তালিকা (তত্ত্বীয়, ব্যবহারিক, মৌখিক, ফিল্ড ওয়ার্ক) প্রকাশ করবেন। মৌখিক/ব্যবহারিক/মাঠকর্ম পরীক্ষা জাতীয় বিশ্ববিদ্যালয়ের মনোনীত প্রতিনিধি ছাড়া গ্রহণ করা যাবে না। এরূপ পরীক্ষা গ্রহণের জন্য মনোনীত কোন শিক্ষক দায়িত্ব পালন না করলে বা করতে ব্যর্থ হলে পরীক্ষা নিয়ন্ত্রকের পূর্বানুমতি গ্রহণপূর্বক নিকটবর্তী কোন কলেজ হতে একজন উপযুক্ত শিক্ষককে দিয়ে পরীক্ষা গ্রহণের ব্যবস্থা করা যাবে এবং সঙ্গে সঙ্গে বিষয়টি লিখিতভাবে পরীক্ষা নিয়ন্ত্রককে অবহিত করতে হবে। বিশ্ববিদ্যালয়ের পূর্বানুমতি ছাড়া অন্য কোন শিক্ষককে দিয়ে পরীক্ষা গ্রহণ করা যাবে না। প্রতিদিন অনধিক ৪০ (চল্লিশ) জন পরীক্ষার্থীর ব্যবহারিক/মৌখিক পরীক্ষা গ্রহণ করা যাবে।
- (ঘ) মৌখিক/ব্যবহারিক পরীক্ষা শেষ হওয়ার ৭ দিনের মধ্যে কলেজ কর্তৃপক্ষকে মৌখিক/ব্যবহারিক পরীক্ষার নম্বর যথারীতি বিশ্ববিদ্যালয়ে প্রেরণ করতে হবে এবং এর একটি কপি অধ্যক্ষের নিজ দায়িত্বে গোপনীয়ভাবে সংরক্ষণ করতে হবে।

১৯. In-course পরীক্ষা :

প্রত্যেক বর্ষের ক্লাস শুরু থেকে ১৫ সপ্তাহের মধ্যে প্রতিটি কোর্সের অর্ধেক পাঠ্যসূচী শেষ করে পঠিত অংশের উপর কোর্স শিক্ষক একটি ইন-কোর্স পরীক্ষা গ্রহণ করতে হবে। একইভাবে পরবর্তী ১৫ সপ্তাহের মধ্যে পাঠ্যসূচীর বাকী অর্ধেক শেষ করে এ অংশের উপর আর একটি পরীক্ষা গ্রহণ করতে হবে। প্রতি ১৫ সপ্তাহের মধ্যেই আভ্যন্তরীণভাবে উত্তরপত্র মূল্যায়ন

করে ইন-কোর্স পরীক্ষার গড় নম্বরপত্রের একটি কপি জাতীয় বিশ্ববিদ্যালয়ের সংশ্লিষ্ট উপ-পরীক্ষা নিয়ন্ত্রক এর নিকট প্রেরণ করতে হবে এবং একটি কপি সংশ্লিষ্ট বিভাগীয় প্রধানের অফিসে সংরক্ষণ করতে হবে। তবে ১ম ও ২য় বর্ষের ইন-কোর্স পরীক্ষার নম্বর জিপিএতে গণনা করা হবে না বিধায় নম্বর পত্র প্রেরণ করতে হবে না। ৩য় ও ৪র্থ বর্ষের প্রত্যেক কোর্সে (তত্ত্বীয় ও ব্যবহারিক) ২০% নম্বর আভ্যন্তরীণ মূল্যায়নের জন্য সংরক্ষিত থাকবে। প্রতিটি কোর্সের জন্য একজন কোর্স শিক্ষক থাকবেন। আভ্যন্তরীণ মূল্যায়নের জন্য প্রত্যেক কোর্স শিক্ষক নির্দিষ্ট শিক্ষা বর্ষে কমপক্ষে ২টি পরীক্ষা গ্রহণ করবেন এবং প্রতিটি পরীক্ষার সময়কাল হবে ১ ক্লাশ ঘন্টা। আভ্যন্তরীণ মূল্যায়নে প্রাপ্ত নম্বরের এক কপি সংশ্লিষ্ট বিভাগীয় প্রধানের অফিসে সংরক্ষণ করতে হবে এবং এক কপি জাতীয় বিশ্ববিদ্যালয়ের সংশ্লিষ্ট উপ-পরীক্ষা নিয়ন্ত্রকের নিকট প্রেরণ করতে হবে।

২০. ডিগ্রি প্রাপ্তির যোগ্যতা সমূহঃ

ব্যাচেলর (অনার্স) ডিগ্রি পেতে হলে একজন শিক্ষার্থীকে নিম্নোক্ত শর্তসমূহ পূরণ করতে হবে।

- (ক) CGPA এর ভিত্তিতে চূড়ান্ত ফলাফল প্রকাশ করা হবে।
- (খ) একজন শিক্ষার্থীকে সকল তত্ত্বীয়/ব্যবহারিক/ মাঠকর্ম পরীক্ষায় অংশগ্রহণ করে অব্যাহতই CGPA ২.০০ পেতে হবে। অন্যথায় তাকে উক্ত প্রোগ্রামে অকৃতকার্য বলে ঘোষণা করা হবে।
- (গ) প্রতিটি মৌখিক পরীক্ষায় পৃথকভাবে গ্রেড পয়েন্ট ২.০০ অর্জন করতে হবে। কোন বর্ষে মৌখিক পরীক্ষায় প্রয়োজনীয় GP অর্জনে ব্যর্থ হলে রেজিস্ট্রেশনের মেয়াদ থাকা সাপেক্ষে পরবর্তী ব্যাচের সাথে মৌখিক পরীক্ষায় অংশ গ্রহণের সুযোগ পাবে।
- (ঘ) CGPA ৩.৭৫ থেকে ৪.০ প্রাপ্ত শিক্ষার্থীদের Distinction সহ অনার্স ডিগ্রি প্রদান করা হবে যা একাডেমিক ট্রান্সক্রিপ্টে উল্লেখ থাকবে।
- (ঙ) সকল কোর্সের (তত্ত্বীয়/ব্যবহারিক/মাঠকর্ম/ মৌখিক) পরীক্ষায় অংশ গ্রহণ বাধ্যতামূলক এবং নূন্যতম গ্রেড পয়েন্ট ২.০০ বা D গ্রেড পেয়ে পাশ করতে হবে।

২১. পাস ডিগ্রি :

চার বছরের অনার্স কোর্স সম্পন্ন করার পর কোন কোর্সে F সহ কোন ছাত্র CGPA ২.০০ পেয়ে থাকলে তাকে পাস ডিগ্রি দেয়া যাবে তবে কোন কোর্সের পরীক্ষায় Absent থাকলে তাকে কোন ডিগ্রী প্রদান করা হবে না।

২২. ট্রান্সক্রিপ্টস (Transcripts)

বিশ্ববিদ্যালয়ের নির্ধারিত ফি পরিশোধ সাপেক্ষে প্রত্যেক বর্ষের ফলাফলের ট্রান্সক্রিপ্ট প্রদান করা হবে। একাডেমিক ট্রান্সক্রিপ্ট- গ্রেড, Corresponding গ্রেড পয়েন্ট GPA, CGPA দেয়া হবে এবং এতে কোন গাণিতিক নম্বর থাকবে না।

ড. সায়েদা বানু

ডীন (ভারপ্রাপ্ত)

কারিকুলাম উন্নয়ন ও মূল্যায়ন কেন্দ্র

জাতীয় বিশ্ববিদ্যালয়, গাজীপুর।

ফোনঃ ৯২৯১০৩০ (অফিস)



National University

Bachelor of Honours Courses

According to new curriculum (Grading & Credit System)
(Questions will be set from recommended textbooks)

Distribution of Marks in Question Paper

Effective from: Session 2009-2010

For 1st & 2nd Year Honours Course

Full Marks: 100

Time of Examination: 4 Hours

ছবংগরডহ এগুচবং		Details	
চধৎঃ-অ	ইংরবড ছবংগরডহং (ংপয ধং ফবডরহরংগরডহ/ ছরুবং) (Covering all the chapters of the syllabus.)	20 questions out of 24 such as question number 1. (a) – (x)	(20×1)=20
চধৎঃ-ই	Short Questions (such as Conceptual/Numerical) (Covering all the chapters of the syllabus.)	5 Questions Out of 8 Question will be divided into 2 parts, such as question 2.(A) & (B).	5X(4+4) =40
চধৎঃ-ঐ	Broad Questions (such as Analytical/Conceptual/Numerical)	4 Questions Out of 7 (Question may be divided into 10. (i), (ii), (iii) etc subsections.) For mathematical/numerical questions this condition may be relaxed	(4×10)=40
		Total	100

National University

Bachelor of Honours Courses

According to new curriculum (Grading & Credit System)
(Questions will be set from recommended textbooks)

Distribution of Marks in Question Paper

Effective from: Session 2009-2010

For 1st & 2nd Year Honours Course

Full Marks: 50

Time of Examination: 2.5 Hours

ছবংগরডহ এংরুবং		Details	
চধংগ-অ	ইংরবড ছবংগরডহং (ংপয ধং ফবডরহরংরডহ/ ছরুবং) (Covering all the chapters of the syllabus.)	10 questions out of 12 such as question number 1. (a) – (l)	(10×1)=10
চধংগ-ই	Short Questions (such as Conceptual/Numerical) (Covering all the chapters of the syllabus.)	5 Questions Out of 8 such as question number 2, 3, etc	(5×4)=20
চধংগ-ঈ	Broad Questions (such as Analytical/Conceptual/Numerical)	2 Questions Out of 4 (Question may be divided into 10. (i), (ii), (iii) etc subsections.) For mathematical/numerical questions this condition may be relaxed	(2×10)=20
		Total	50